


Ĥilia Senato rekomencas kunvenojn pri la konstitucia procezo



Santiago de Ĥilio, dec 26 (RHK) La Konstitucia Komisiono de la Ĥilia Senato, en eksterordinara kunsido, analizos Ĥi-lunde la amendon, kiu ebligas la procezon al nova Magna Ĥarto, kiu anstataĝigos tiun validan ekde 1980.

En la kunveno, antaŭvidita por la 15:00 (loka horo), ankaŭ partoprenos la prezidanto de la estraro de la Elekta Servo, Andrés Tagle, kaj la Ministro Ĝenerala Sekretario de la Prezidenteco, Ana Lya Uriarte.

Matías Walker, prezidanto de la komisiono, opiniis, ke la idealo estas ne enkonduki grandajn modifojn en la tekston favore al lerta aprobo.

La 12-an de decembro, kaj post tri monatoj da intertraktado, la plimulto de la partioj reprezentitaj en la Nacia Kongreso subskribis la tiel nomatan Interkonsenton por ŝilio por doni kontinuecon al la konsistiga procezo.

Pro la interkonsento, kreiĝos konstitucia konsilio, kiu konsistas el 50 membroj elektitaj per populara kaj deviga voĉdono.

La fina skizo de la nova konstitucio devas esti submetita al la konsidero de la civitanoj en plebiscito kun deviga voĉdono.

Lastatempa enketo publikigita ĉi tie indikas, ke 58 procento de ŝilianoj estas favoraj provizi al la lando fundamentan leĝon anstataŭantan tiun truditan dum la diktaturo de Augusto Pinochet (1973-1990).

Fonto: PL

<https://www.radiohc.cu/index.php/eo/noticias/internacionales/308908-cilia-senato-rekomencas-kunvenojn-pri-la-konstitucia-procezo>



Radio Habana Cuba